

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Odbor za pravdu, opću upravu i lokalnu samoupravu

Broj: 02/16-02-1582/21
Sarajevo, 29.07.2021.god.

Na osnovu člana 70. Poslovnika o radu Doma naroda Parlamenta Federacije Bosne i Hercegovine, Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine je, na osmoj sjednici Odbora održanoj 29.07.2021. godine razmatrao:

- 1. Prijedlog zakona o obrtu i srodnim djelatnostima u Federaciji Bosne i Hercegovine – hitni postupak;**
- 2. Prijedlog zakona o dopunama Zakona o zaštiti od nasilja u porodici – skraćeni postupak;**
- 3. Prijedlog zakona o posredovanju u prometu nekretnina;**
- 4. Prijedlog zakona o izmjenama i dopunama Zakona o privrednim društvima.**

Na osnovu člana 51. stav 1. Poslovnika o radu, Odbor za pravdu, opću upravu i lokalnu samoupravu, podnosim Domu naroda sljedeći

I Z V J E Š T A J

- 1. Prijedlog zakona o obrtu i srodnim djelatnostima u Federaciji Bosne i Hercegovine – hitni postupak;**

Ustavni osnov za donošenje ovog zakona sadržan je u odredbi člana III. člana 1. tačka d), koji je izmijenjen amandmanima VIII, LXXXIX i CVI i odredbi IV.A. člana 20. (1.) Ustava Federacije Bosne i Hercegovine, prema kojem je u isključivoj nadležnosti Federacije Bosne i Hercegovine utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou, a Parlament Federacije, uz ostala ovlaštenja predviđena Ustavom, odgovoran je za donošenje zakona o vršenju funkcija federalne vlasti.

II – RAZLOZI ZA DONOŠENJE

Obrtnici predstavljaju važan segment privrede u Federaciji BiH, te je Federalno ministarstvo razvoja, poduzetništva i obrta, kao obrađivač zakona, stanovišta da će predloženo zakonsko rješenje značajno doprinijeti unapređenju obrtničke djelatnosti, povećanju učinkovitosti sistema, boljoj koordinaciji općinskih, gradskih, kantonalnih i federalnih vlasti, svrsishodnijem trošenju sredstava, smanjenju troškova fizičkim licima i povećanju zaposlenosti. Prijedlog zakona ima za cilj da doprenese suzbijanju siive ekonomije i jačanju tržišta.

Predstavnik predlagača upoznao je predsjednika i članove Odbora za pravdu, opću upravu i lokalnu samoupravu sa usklađenosti propisa sa Evropskim zakonodavstvom, provedbenim mehanizmima i načinima osiguranja provedbe i sa sadržajem najznačajnijih pravnih rješenja.

Predstavnički dom Parlamenta Federacije BiH je na 23. redovnoj sjednici održanoj 05.07.2021.godine, usvojio Prijedlog Zakona o obrtu i srodnim djelatnostima, u tekstu kako ga je predložila Vlada FBiH.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

ZAKLJUČAK

Članovi Odbora za pravdu, opću upravu i lokalnu samoupravu u općem pretresu su utvrdili da postoji ustavni osnov za donošenje i nemaju primjedbi na predloženi Prijedlog Zakona o obrtu i srodnim djelatnostima u Federaciji Bosne i Hercegovine – hitni postupak u domenu svoje nadležnosti i predlažu Domu naroda da razmotri Prijedlog Zakona o obrtu i srodnim djelatnostima u Federaciji Bosne i Hercegovine – hitni postupak, u tekstu kako je predložila Vlada Federacije Bosne i Hercegovine.

2. Prijedlog zakona o dopunama Zakona o zaštiti od nasilja u porodici – skraćeni postupak

Ustavni osnov za donošenje ovog Zakona sadržan je u članu IV.C.3.Ustava Federacije Bosne i Hercegovine, kojom je predviđeno da pravila postupka koja su potrebna da se osigura jednakost u postupanju, kao i osnovni principi pravičnosti u postupcima pred sudovima uredit će se zakonima Federacije. Na osnovu člana IV.A.20. (1) d) Ustava Federacije Bosne i Hercegovine, Parlament Federacije BiH nadležan je za donošenje ovog zakona.

Razlozi za donošenje Zakona:

Osnovni razlog za donošenje ovog zakona jeste unaprjeđenje normativnog okvira kojim je uređen postupak zaštite žrtve od nasilja u porodici i to na način da se u cilju zaštite žrtve uvodi novi institute “osoba od povjerenja”.

Federalno ministarstvo pravde je uvažavajući inicijativu Centra ženskih prava Zenica, pripremila Nacrt zakona o dopunama Zakona o zaštiti od nasilja u porodici.

Predstavnik predlagača upoznao je Odbor za pravdu, opću upravu i lokalnu samoupravu sa usklađenosti propisa s evropskim zakonodavstvom, obrazloženjem pojedinih zakonskih rješenja i finansijskim sredstvima za provođenje ovog zakona.

Predstavnički dom Parlamenta F BiH je na 18. Redovnoj sjednici održanoj 26.01.2021.godine, usvojio Prijedlog Zakona o dopunama Zakona o zaštiti od nasilja u porodici, u tekstu kako ga je predložila Vlada F BiH.

Predstavnički dom Parlamenta FBiH je usvojio zaključak kojim predlaže Vladi Federacije BiH da izradi novi Zakon o zaštiti od nasilja u porodici u F BiH kojim bi se obuhvatio cijeli sistem zaštite žrtava nasilja.

Predstavnički dom Parlamenta F BiH traži da Federalno ministarstvo pravde, već za narednu sjednicu Predstavničkog doma Parlamenta FBiH pripremi i dostavi izmjene i dopune Krivičnog zakona, koje se tiču nasilja nad djecom i ženama, a u skladu sa Preporukama UN Komiteta za prava djeteta, preporukama Komiteta za eliminaciju diskriminacije prema ženama, UN Deklaracija o uklanjanju nasilja nad ženama, Lanzarote konvencije vijeća Evrope o zaštiti djece od seksualnog iskorištavanja i zloupotrebe i Konvencije Vijeća Evrope o sprečavanju i borbi protiv nasilja nad ženama i nasilja u porodici.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

Z A K L J U Č A K

Članovi Odbora za pravdu, opću upravu i lokalnu samoupravu u općem pretresu utvrdili su da postoji ustavni osnov za donošenje i nemaju primjedbi na predloženi Prijedlog Zakona o dopunama Zakona o zaštiti od nasilja u porodici – skraćeni postupak, u domenu svoje nadležnosti i predlažu Domu naroda da razmotri Prijedlog Zakona o dopunama Zakona o zaštiti od nasilja u porodici – skraćeni postupak, u tekstu kako je predložila Vlada Federacije BiH.

3. Prijedlog zakona o posredovanju u prometu nekretnina

Ustavni osnov za donošenje Zakona o posredovanju u prometu nekretnina sadržan je u članu III.1.tačka b) koji je izmijenjen amandmanima VIII., LXXXIC. i CVI., i članu IV.A.20.(1) d) Ustava Federacije Bosne i Hercegovine prema kojima je u isključivoj nadležnosti Federacije Bosne i Hercegovine, između ostalog, utvrđivanje ekonomske politike.

Postojeće stanje u oblasti prometa nekretninama na području Federacije BiH karakterišu velike nepravilnosti i problemi koji su nastali kao posljedica nepostojanja posebnog zakonskog okvira kojim bi ova oblast bila uređena. Ovu djelatnost karakteriše primjena opštih pravila regulisanih Zakonom o obligacionim odnosima i pojedinih odredaba Zakona o unutrašnjoj trgovini koji uređuju posredovanje općenito.

Predstavnik predlagača upoznao je Odbor sa razlikom između rješenja koja se predlažu prijedlogom zakona u odnosu na rješenja nacрта zakona, usklađenost s propisima EU, sa finansijskim sredstvima potrebnim za realizaciju ovog zakona.

Predstavnički dom Parlamenta FBiH je na 23. redovnoj sjednici održanoj 05.07.2021.godine usvojio Prijedlog Zakona o posredovanju u prometu nekretnina, u tekstu kako je predložila Vlada Federacije BiH.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

Z A K L J U Č A K

Članovi Odbora za pravdu, opću upravu i lokalnu samoupravu u općem pretresu utvrdili su da postoji ustavni osnov za donošenje i nemaju primjedbi na predloženi Prijedlog Zakona o posredovanju u prometu nekretnina, u domenu svoje nadležnosti i predlažu Domu naroda da razmotri Prijedlog Zakona o posredovanju u prometu nekretnina, u tekstu kako je predložila Vlada Federacije BiH.

5. Prijedlog zakona o izmjenama i dopunama Zakona o privrednim društvima

Ustavni osnov za donošenje ovog zakona sadržan je u odredbi člana III.1 tačka b.) koja je izmjenjena amandmanima VII. LXXXIX i CVI i članu IV. A.20. (1) d) Ustava Federacije Bosne i Hercegovine prema kojoj je u isključivoj nadležnosti Federacije utvrđivanje ekonomske politike a Parlament uz ostala ovlaštenja predviđena Ustavom odgovoran je za donošenje zakona o vršenju dužnosti

federalne vlasti.

Predstavnik predlagača zakona u svom izlaganju naveo je da je u proteklom periodu pripremljena analiza postojećeg stanja u okviru koje su identificirani propisi koje je neophodno mijenjati kako bi se omogućilo uspostavljanje jednošalterskog sistema registracije poslovnih subjekata.

Zakon o privrednim društvima Federacije Bosne i Hercegovine (“Službene novine Federacije BiH”, broj: 81/15) usvojen je kao strateški prioritet u svrhu jačanja privrednog razvoja, domaćeg tržišta i uklanjanju administrativnih barijera u poslovanju. Usvajanjem ovog zakona poduzete su snažne mjere na smanjenju opterećenja privrednim subjektima, te je kreiran okvir za primjenu novih standarda korporativnog upravljanja i njihovo praćenje.

Predstavnički dom Parlamenta FBiH, na 18. redovnoj sjednici održanoj 26.01.2021. godine usvojio Prijedlog Zakona o izmjenama i dopunama Zakona o privrednim društvima, u tekstu kako ga je predložila Vlada FBiH.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

Z A K L J U Č A K

Članovi Odbora za pravdu, opću upravu i lokalnu samoupravu u općem pretresu utvrdili su da postoji ustavni osnov za donošenje i nemaju primjedbi na predloženi Prijedlog Zakona o izmjenama i dopunama Zakona o privrednim društvima, u

domenu svoje nadležnosti i predlažu Domu naroda da razmotri Prijedlog Zakona o izmjenama i dopunama Zakona o privrednim društvima, u tekstu kako je predložila Vlada Federacije BiH.

Za izvjestioca na sjednici Doma naroda ispred Odbora za pravdu, opću upravu i lokalnu samoupravu, određen je Senad Čeljo, predsjednik Odbora.

PREDSJEDNIK ODBORA

Senad Čeljo